

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i člana 11. stav 2. Zakona o koncesijama (Prečišćeni tekst) („Službene novine Zeničko-dobojskog kantona“, broj: 5/03), na prijedlog Ministarstva za privredu, Vlada Zeničko-dobojskog kantona, na 87. sjednici, održanoj 10.02.2017. godine, d o n o s i

ODLUKU

o dodjeli koncesije za istraživanje i eksploataciju mineralne sirovine – dijabaza na lokalitetu “Željezno Polje”, K.O. Prapatnica, općina Žepče

Član 1.

(Predmet koncesije)

Privrednom društvu „DIM-KAMENOLOM“ d.o.o. Žepče (u daljem tekstu: Koncesionar) dodjeljuje se koncesija za istraživanje i eksploataciju mineralne sirovine – dijabaza, na ležištu “Željezno Polje”, K.O. Prapatnica, općina Žepče.

Član 2.

(Lokacija)

(1) Prošireni istražno-eksploatacioni prostor ležišta “Željezno Polje”, K.O. Prapatnica, općina Žepče, ograničen je graničnim linijama sa prijelomnim tačkama, kako slijedi:

Tačka A	Y= 6 449 133,57	X= 4 919 418,24
Tačka B	Y= 6 449 133,57	X= 4 919 500,00
Tačka C	Y= 6 449 800,00	X= 4 919 500,00
Tačka D	Y= 6 449 800,00	X= 4 919 393,41
Tačka E	Y= 6 449 701,72	X= 4 919 416,74
Tačka F	Y= 6 449 665,73	X= 4 919 387,15
Tačka G	Y= 6 449 573,48	X= 4 919 341,89
Tačka H	Y= 6 449 526,68	X= 4 919 335,32
Tačka I	Y= 6 449 503,40	X= 4 919 364,41
Tačka J	Y= 6 449 449,24	X= 4 919 394,78
Tačka K	Y= 6 449 391,25	X= 4 919 385,35
Tačka L	Y= 6 449 319,91	X= 4 919 410,24
Tačka M	Y= 6 449 290,65	X= 4 919 444,79
Tačka N	Y= 6 449 202,03	X= 4 919 408,48
Tačka A	Y= 6 449 133,57	X= 4 919 418,24

(2) Površina istražno-eksploatacionog prostora na kojoj će se realizirati koncesioni projekat iz člana 1. ove Odluke je 58.546 m², a lociran je na k.č.51/1, k.č.51/106 i k.č.586 K.O. Prapatnica, općina Žepče i ima neposredni kontakt sa istražno – eksploatacijskim poljem za koje je već dodijeljena koncesija koncesionaru “Dim-Kamenolom” d.o.o. Žepče, površine 12.600 m², te je ukupna površina lokacije omeđene prijelomnim tačkama iz prethodnog stava 71.146 m².

Član 3.

(Ugovor)

Zadužuje se Ministarstvo za privredu da, u skladu sa ovom Odlukom i odredbama Zakona o koncesijama, potpiše Aneks I na Ugovor o koncesiji, broj: 04-18-20940-1/12 od 30.01.2013. godine) za istraživanje i eksploataciju mineralne sirovine – dijabaza, na ležištu “Željezno Polje”, K.O. Prapatnica, općina Žepče, iz člana 2. ove Odluke, u roku od 60 dana od dana stupanja na snagu ove Odluke.

Član 4. **(Elementi Ugovora)**

(1) Osnovni elementi Aneksa I Ugovora o koncesiji su:

- a) Vrijeme koncesije za istraživanje i eksploataciju je 12 godina, od čega do 2 godine za istraživanje, a zavisit će od utvrđenih rezervi mineralne sirovine;
- b) Kontinuirana koncesiona naknada je 0,82 KM/ m³ čvrste mase dijabaza (slovima: 82/100 konvertibilne marke po metru kubnom čvrste mase);
- c) Jednokratna (fiksna) koncesiona naknada po hektaru istražno-eksploatacionog prostora ležišta "Željezno Polje" K.O. Papratnica, općina Žepče je: 5,8546 ha x 10.000,00 KM/ha = 58.546,00 KM (slovima: pedesetosamhiljadapetstinačetdesetšest konvertibilnih maraka);
- d) Minimalna količina eksploatacije mineralne sirovine za koju je koncesionar obavezan plaćati kontinuiranu koncesionu naknadu je 30.000,00 m³/godini čvrste mase dijabaza (slovima: tridesethiljada metara kubnih čvrste mase po godini).

(2) Koncesionar je dužan prije potpisivanja Aneksa I Ugovora o koncesiji dostaviti:

- a) Uplatnicu na 58.546,00 KM, kao jednokratnu koncesionu naknadu;
- b) Ovjerenu mjenicu sa mjeničnom izjavom na iznos od 50.000,00 KM;
- c) Snimak „Nultog stanja“ ležišta prije početka istražno-eksploatacionih radova sa fotografisanjem postojećih objekata u blizini ležišta;
- d) Geodetski elaborat sa identifikacijom parcela (Katastarski plan sa unesenim koordinatama istražno-eksploatacijskog polja i parcelama sa vlasničkim i posjedovnim listovima).

(3) Koncesionar je dužan nakon potpisivanja Aneksa I Ugovora o koncesiji, a prije dobivanja dozvole za eksploataciju, izvršiti upis prava iz Aneksa I Ugovora o koncesiji u zemljišne knjige.

Član 5. **(Istraživanje i eksploatacija)**

(1) Istražne i eksploataционе radove, kao i sve druge prateće poslove, Koncesionar je dužan izvoditi u skladu sa odredbama važećih zakona i propisa kojima je uređena oblast istraživanja i eksploatacije mineralnih sirovina, te drugih važećih zakonskih propisa.

(2) U slučaju da Koncesionar ne otpočne sa istraživanjem i eksploatacijom dijabaza u roku do dvije godine, računajući od dana donošenja ove Odluke, smatrat će se da je odustao od realizacije projekta.

Član 6. **(Stupanje na snagu)**

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-_____/17.

Datum, 10.02.2017. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo za privredu,

1x Ministarstvo za prostorno uređenje, promet i komunikaciju
i zaštitu okoline,

1x Ministarstvo za poljoprivredu, šumarstvo i vodoprivredu,

1x „Službene novine Zeničko-dobojskog kantona“,

1x „DIM-KAMENOLOM“ d.o.o. Žepče (putem Ministarstva za privredu),

1x a/a.